

# بویوک ملت مجلسی

ضبط جریدہ سی

طقسان برنجی اجتماع

۲۶ آگستوس ۱۳۳۸ - ۹۰۰ ابرنسی

برنجی جلسہ

مذہبات

— ضبط سابق خلاصہ سی  
— اوراق واردہ

برائے مذاکرات

دقیقہ ساعت

۱ ۴۰

[ رئیس — برنجی رئیس وکیلی وہی افندی حضرتلری ]

کاتبلر : عاطف بک ( قیصری ) ، حق بک ( وان )

ایدن و ہیئت وکیلہ بہ داخل اولان بروجہ بالا اوج

آرقداشک یرلرینہ شعبہ لرنجہ پیکلرینک انتخابی لزومی

عرض اولنور ۱۳ آگستوس ۳۳۸

کاتب بوردور خارجہ انجمنی رئیس

مبعوثی از میر

امامعل صبحی صویصاللی یونس نادلی

اعضا اعضا اعضا

قیصری صاروخان قارص

عاطف ابراہیم زیا جاوید

ریاست جلیلہ بہ

اخیراً عدلیہ وکالتہ انتخاب اولتان انجمنز اعضاسندن

قیصری مبعوثی رفعت بک یرینہ ایکٹیو شعبہ دن دیگر بر

ذاتک انتخابی خصوصتک عائد اولدینہ شعبہ ہ حوالہ سی

رجا ایلمر اقدام . موازنہ مالہ انجمنی رئیس

غازی عینتاب

علی جانی

ضبط سابق خلاصہ سی :

رئیس — اقدام ! مجلس کشاد ایداشدر . ضبط

سابق خلاصہ سی اوقونہ جقدر . [ ضبط سابق خلاصہ سی

قرائت ایدلدی ]

اقدام ! ضبط سابق حقندہ مطالعہ بیان ایدہ چک وارسی ؟

( خایر سسلری ) اقدام ! ضبط سابق خلاصہ سی حقندہ

مطالعہ بیان ایدن یوقدر . ضبط سابق خلاصہ سی عیناً قبول

ایدنلر لطفاً اللرینی قالدیرسون ! ضبط سابق خلاصہ سی

قبول اولنمشدر .

اوراق واردہ :

خارجیہ انجمنیلہ دیگر انجمنزہ اعضا انتخابہ دائر

مضبوطہ لروار . اولنری اوقویہ ججز .

ریاست جلیلہ بہ

علی وقابک ( اٹطالیہ ) دردنجی شعبہ دن

عمر لطفی بک ( آماسیہ ) اوچنجی شعبہ دن

محمود اسمعذبک ( اقتصاد وکیلی ) ایکٹیو شعبہ دن

خارجیہ انجمنی اعضاسندن اولوب مآذونا عنیمت

ریاست جلیله

انجمنزه برنجی شعبه دن منتخب عبدالحق توفیق بک  
(درسم) مصطفی حلمی افندی (نیکده) مآذوناً انشکاک ایش  
اوله قلدن لرلینه دیکر ذواتک اتخابنک شعبه طائده سنه  
حواله بویورلمسنی رجا ایلرم افندم. سا ۲۶ آغستوس ۳۳۸

عدلیه انجمنی رئیس

جانیک

امین

رئیس — افندم! شعبه لرندن رجا ایدرم. بولرینه  
اعضالری اتخاب ایتسونلر. افندم قوانین مالیه انجمنندن  
استعفا ایتدیکنه دائر ارغنی مبعوثی سری بکاک تقریرلری  
وار. او قونه جقدر.

ریاست جلیله

اجوال صحیه دولایسیله قوانین مالیه انجمنه دوام  
ایده میه جکمدن استقامت قبول بویورلمسنی رجا ایدرم.  
قوانین مالیه انجمنی اعضاستندن ارغنی مبعوثی

سری

رئیس — افندم! رجا ایدرز. قوانین مالیه انجمنه  
ارغنی مبعوثی سری بکاک برینه شعبه سندن بر ذات اتخاب  
ایدلون. آقرده بر استقلال محکمه سی کشادینه دائر  
اجرا وکیللری هیئت تذکره سی وار، او قونه جقدر:

تورکیا بویوک ملت مجلسی ریاست جلیله سنه

آقره وحوالیسنده کوریلن لزوم اوزرینه بر استقلال  
محکمه سی تأسیس و دائره قضاوتک سابق استقلال محکمه سی  
جدودی داخلنده بولمسنی خصوصتک عرضی اجرا وکیللری  
هیئتک ۱۵ - ۸ - ۳۳۸ تاریخلی اجناعنده تقرر ایتکله  
ایفای مقتضاسنه و نتیجه سنک اشمارینه مساعده دولتلری  
رجا ایدرم افندم.

تورکیا بویوک ملت مجلسی اجرا وکیللری

هیئت رئیس

حسین رؤف

رئیس — افندم! مسئله معلوم، آقره حوالیسنه  
براستقلال محکمه سنک لزومه دائر اجرا وکیللری هیئت  
رئیس ایضاحات ویرسونلرده ...

حق حامی بک (سینوب) — افندم! اصول حقنده  
عرض ایده جکم. بوسورتله کلن اوراق بر کره روزنامه یه  
آلور و آلدقندن صکره مذاکره سی اجرا ایدیلور. یعنی  
بوندن صکره کی اجتماع روزنامه سنه آلیر و حکومت رئیس  
ایضاحاتی ویرر.

رئیس — ایضاحات ویردکدن صکره سولمک دها  
دوغریدر افندم.

ضیا خورشید بک (لازستان) — افندم! مجلس  
روزنامه سنه حا کدر. روزنامه یه آلیر، اوندن صکره  
سویلر افندم.

رؤف بک (هیئت وکیله رئیس) — افندم! حکومت  
آقرده بر استقلال محکمه سنک لزومه قاعددر. و بونک  
بر آن اول تشکیلی هیئت عالیکزه عرض و تکلیف  
ایدیلور. اسباب موجبه اوله رقده شونی خلاصه عرض  
ایده میه که بورامی حکومت ملیه مزک مرکزی وغریده کی  
قهرمان اردولرمزک تشکیل ایش اولدینی جبهه نکده  
مرکزی اومق اعتبارله بوراده غایت سریع قرارلر اتخاذ  
ایدن بر محکمه نک وجودی الزمدر. بو نقطه نظرندن  
تکرار عرض و تکلیف ایدیورم. (دوغری سسلری)  
آقرده بر استقلال محکمه سی تشکیلی تأمین ایده جک  
اتخاباتی اجرا بویوریکز.

حق حامی بک (سینوب) — افندم! بنده کز رجا  
ایدرم. حکومت رئیس بک افندینک بو مطالعه سنک  
هنوز زمانی اولمادینی اولجه عرض ایتدم. حکومتک  
کوستردیکی اسباب موجبه اوزرینه بالطبع مناقشه یاییله جق  
وا کثرت مطلقه لزوم کوستیرر ایسه اتخاب یاییله جقدر.  
حالبوکه حکومتک تذکره سی روزنامه یه آلمادی.  
روزنامه یه آلدقندن صکره بالطبع مناقشه اجرا ایدیلیر.  
و حکومت نقطه نظری بیلدیرر.

رئیس — افندم! بنده روزنامه یه آلنسنی ذاتاً  
تکلیف ایده جکم. رجا ایدرم. افندم! هانکی کونک  
روزنامه سنه ادخال ایدلمسنی قبول بویورورسکوز؟ (بوکون  
سسلری) بوکون مذاکره ایدلمسنی قبول ایدنلر لطفاً  
المرخی قالدیرسون! قبول ایدلشددر. مآذون بولنان اداره

امامورلرینک یرینه انتخاب اجراسته دائر تقرر واردر .  
او قویه جقز .

ریاست جلیله

مأذوناً کیدن اداره مأمورلرینک یرلرینه مصالح متأثر  
اولمه مق اوزره دیکر لرینک انتخابی تکلیف ایلرز .

ارطغرل  
مصطفی کمال  
ارغنی میبوتی  
سری

عدنان بك ( استانبول ) — اقدام ! مساعده بویو-  
رورسه کز عرض ایدیم . شمعی بر اداره مأمورمن  
مأذوندر . اوده راسم بکدر . حاجی بکر افندی تشریف  
ایتدیلر . انتخاب آرزو ایدیورسه کز دیوان ریاستجه ده  
بر شی دوشونلشدر . اوده ، ایکی کاتبز نقصاندر .  
یرسی خسته وبرسی مأذوندر . اونک ایچون ایکی ده  
کاتب انتخاب بویورلسنی رجا ایدرم . طیبی آتی  
اجتماعلرده ...

رئیس — اقدام ! شمعی اوراده مأمورلرینک  
ایکیسی موجوددر . یالکز برسی یوقدره ، مأذوندر .  
فیاض عالی بك ( یوزغاد ) — بر کره روزنامه یه  
آلک اقدام ! ( کورولتیلر )

رئیس — رجا ایدرم اقدام ! بر کره قبول ایدیکزده  
اوندن صکره روزنامه یه قویهلم . قبول ایدلدن نه یی روز-  
نامه یه قویه جقز ؟

حسین عونى بك ( ارضروم ) مساعده بویوروك  
اقدام . قبول ایدیله بیلیمک ایچون مناقشه ایدمک لازم  
کلیر ...

الیاس سامی افندی ( مواس ) — اقدام ! اولا تقریرک  
نظر دفته آنتوب آلمیه جفی رایه وضع ایدیله بیلیر .  
ضیا خورشید بك ( لازستان ) — اقدام انجمنلردن  
بر مضبطه کلدیکی وقت رایه قونمه دن روزنامه یه آلتور .  
صکره قبول ایدیلوب ایدلیه جکی هیئت علیه طانددر .  
قبول ویا عدم قبول مذاکره دن صکره آکله شیله بیله جک  
بر شیدر .

رئیس — اقدام ! روزنامه یه آلمنی قبول بویور-  
بیور میسکز ؟ قبول ایدنلر لطفاً لاریخی قالدیرسون !

قبول ایدله مشدر .

اسکیشهر محاسبه جی سابق صبری بك حقیقده کی اوراقه  
دائر مأمورین محاکات انجمنی ریاستی تذکره سی وار .

او قونه جقدر .

بویوک ملت مجلسی ریاست جلیله سنه

دیوانات دولتی تأدیبه صره سنده قیرمه صورتیله ارتیکا باند  
بولنقله مظنون علمیم اولوب انجمنمز جه جنایتله لزوم محاکمه سنه  
قرار ویرلمش اولان اسکیشهر محاسبه جی سابق صالح  
صبری بك ورفقاسی حقلرنده کی اوراقه ، توقیف قرارینک  
تصدیق وعدم تصدیق دولایسیله مأمورین محاکات  
هیئتئ ایله وقوع بولان اختلاف اوزرینه تفسیرک مجلس عالی به  
تأدیبتدن بختله اوراق مذکورده سا ۳ کانون ثانی ۳۳۸  
تاریخنده ۱۱۹/۱۳۶۱ نومرو ایله مقام سامیلرینه تقدیم قیلنمش  
ایدی . اوراق مذکورنک مجلس عالی ملیجه بر قراره  
ربطیله اطاده اولنماسندن دولای بوکامائل برچوق اوراق  
جنایتیه حقیقده معامله بایله مامقده و بو حال ایسه ایشلرک  
تراکنی و محابنک بحق شکایتی موجب ومستلزم بولنمقده  
اولدیغندن مسئله مذکورنک مجلس عالیجه بر قراره ربطیله  
سرعت اطاده سی تأکیداً رجا اولنور .

۲۱ - ۸ - ۳۳۸

مأمورین محاکات انجمنی رئیس

ایچ ایل میبوتی

حیدر لطفی

رئیس — اقدام ! تفسیره عائد بر مسئله در . اولجه  
انجمنده مذاکره سی سبق اتمش ؛ محاکمه مباشرت ایدلش ؛  
صکره بر شهبه حاصل اولمش ؛ اوندن صکره تفسیر ایچون  
محاسبه کوندرلمش و برچوق زماندنبری ده بوراده بولنیورمش .  
شمعی بونک روزنامه یه آلمنی قبول ایدنلر لطفاً لاریخی  
قالدیرسون ! قبول ایدلشدر .

علی سروری افندی ( قره حصار شرقی ) — اقدام !  
اساس مسئله روزنامه مسئله سی دکلدیر . ذاتاً روزنامه یه  
داخلدر . مسئله یالکز تقدیماً و ترجیحاً مذاکره سی  
ایچوندر . اساس روزنامه ده اولان بو اوراقی مستعجل  
روزنامه یه آلق و تقدیماً مذاکره ایتمکدر .

رئیس — اقدام مستعجل روزنامه به ادخالنی قبول  
 ایدنر لطفاً اللری قالدیرسون! قبول ایدلشدرد. شمدی ده  
 کوننی تعیین ایدلم. بازار ایرتسی کوننی مستعجلاً مذاکره  
 ایدلسنی قبول ایدنر لطفاً اللری قالدیرسون! قبول ایدلشدرد.  
 اقدام! ایتم و ارامل معاشانه دائر اولان لایحه  
 قانونیه نك بازار ایرتسی روزنامه سنه آلمسنه دائر تقرر  
 وار. او قونه جق:

ریاست جلیله

شهدای عسکریه نك ایتم و ارامل معاشانه دائر اولوب  
 لایحه و قوانین مالیه انجمنلرنجه تعدیلاً قبول ایدیلان  
 تکلیف قانونی ۲۴ کانون نانی ۳۳۸ تاریخندبری موازنه  
 مالیه انجمنتمه در. مذکور لایحه نك نظامنامه داخلی  
 موجبجه موازنه مالیه انجمنتمدن جلیله بازار ایرتسی  
 روزنامه سنه ادخالاً مستعجلیت قرار یله مذاکره سنی مرض  
 و تکلیف ایلرم. ۲۶ اغستوس ۳۳۸

استانبول مبعوثی

علی رضا

علی رضا بک (استانبول) — ایضاح ایدیم اقدام.  
 بو تکلیف ایتمش اولدیغ لایحه قانونیه ماهیت قانونیه  
 اعتبار یله ایتم و ارامل و تقاعد معاشی دکلدرد. تقاعد  
 واستعفا قانونی موجبجه تخصیص ایدلمکده اولان معاشلرک  
 معامله سی آیلرله دوام ایدیور. و بوشهدای عسکریه ایتم و ارامل  
 عسکریه ضرورت و سفالت ایجریسنده قالدورلر. بو کاکارشی  
 تدابیر سریمه اتخاذ ایدلمک اوزره بعض احکامی شامل اولان  
 بو قانونک بازار ایرتسی کوننی مذاکره سنی تکلیف  
 ایدیورم. چونکه بیدی آیدنبری موازنه مالیه انجمنتمه در.  
 نیل افندی (قره حصار صاحب) — ذاتاً بویور -  
 دقلری مسئله مخصصات ذاتیه بودجه سنه متعلقدر.  
 او بودجه ایله توحید ایدلسنی لازم کلیر.

علی رضا بک (استانبول) — فقط اقدام! ایتم  
 و ارامل بالطبع بودجه چیقنجه یه قدر بکلیه مز. بونلری  
 ضرورتدن قورنارمق مجلس طالینک وظیفه سیدر.  
 رئیس — اقدام مساعده بویورک. بازار ایرتسی  
 روزنامه سنه آلمسنه دائر بر تکلیف وار. آرقداشلر مزدن  
 نیل افندی ده مخصصات ذاتیه بودجه سنه مناسبتی واردرد.

اونکله مذاکره ایدیلسون دیور. بازار ایرتسی کوننی  
 مذاکره سنی قبول ایدنر لطفاً اللری قالدیرسون! قبول ایدلشدرد.  
 رؤف بک (هیئت و کیکه رئیس) — رئیس افندی  
 حضرتلری! بعض خصوصاتی خفياً مجلسه عرض ایتمک  
 ایستیورم. لطفاً برجلسه خفیه عقدینی تکلیف ایدیورم.  
 رئیس — اقدام شهید ملازم فرید افندی نك متراکم  
 معاشاتی حقنده آیدین مبعوثی تحسین بکک مدافعه ملیه  
 و کالندن بر سؤال تقرریری وار.

سؤال صاحبی اولجه تقرریری جوانی  
 کافی کورمه مش، شفاهی جواب ایستیور. مدافعه ملیه  
 و کیلی شفاهاً جواب ویره جک (صاحب سؤال بوراده  
 یوق سسلری) (وار سسلری)  
 تحسین بک (آیدین) — اقدام وکیل پاشا و قیله  
 جواب ویرمشدی. مسئله بیتدی.

رئیس — اقدام اجرا و کیلاری رئیس بعض مهم  
 بیاناتده بولنه جفندن دولایی خفی جلسه عقدینی تکلیف  
 ایدیور. خفی جلسه عقد اولنه جقدر سامعین لطفاً  
 سالونی تخلیه ایتسونلر.

ایکنجی جلسه خفیدر

اجتماع آتی روزنامه سی

۱ — ضبط سالی هندو سی

۲ — اوران وارده:

- ۱ — حربک باشلا دیفته دائر اجرا و کیلاری ریاستی تذکره سی
- ۲ — حرب قازانچلری تمیز قومیسوننک آلدینی اجر نك
- استردادینه دائر کوتاهی مبعوثی جمیل بکک تقریری.
- ۳ — کوتاهی مبعوثی جمیل بکک نظامنامه داخلی انجمن نك
- حال فعالیت کلسی حقنده تقریری.
- مذاکره ایدیله جک مواد:

- ۱ — محمد اوغلی اسماعیلک عفوی حقنده کی لایحه قانونیه.
- ۲ — حسن اوغلی احمدک عفوی حقنده کی لایحه قانونیه.
- ۳ — شرعیه بودجه سی.
- ۴ — عبد الوهاب امضالی استدهایه دائر استدها انجمنی مضبطه سی
- ۵ — آقره ده بر استقلال محکمه سی کهادی حقنده کی تکلیف.
- ۶ — شهنا ایتم و ارامل معاشاتی حقنده کی لایحه قانونیه.
- ۷ — اسکیمبر محاسبه جیسی صبری بکک اوراقی.

آقره: تورکیا بویوک ملت مجلسی مطبوعه سی